



CHIESA EVANGELICA RIFORMATA
GRIGIONESE
BASELGIA EVANGELICA REFURMADA
DAL GRISCHUN
EVANGELISCH-REFORMIERTE
LANDESKIRCHE GRAUBÜNDEN
LOËSTRASSE 60, 7000 CHUR
TEL. 081 - 257 11 00, FAX 081 - 257 11 01
E-MAIL landeskirche@gr-ref.ch
HOMEPAGE www.graubuenden-reformiert.ch

Publicaziun nr. 675

Atun 2018

Il Cussegl da la Baselgia evangelica preschenta a las suprastanzas da las raspadas ed als colloquis las suandantas tractandas ed infurmaziuns per tractar quellas, respectivamain per orientaziun.

Cuntegn

I. Consultaziun	4
1. Tractandas	4
II. Communicaziuns ed enquistas dal Cussegl da baselgia	4
2. Tschertgà: lieus da praticum e da scolaziun	4
3. Novs duairs per fundaziuns ecclesiasticas	5
4. Projects grischuns per la collecta d'avust 2019	6
5. Project da Tschuncaisma 2019-2021	6
6. Nominar predicaturAs laicAs	8
7. Furmar Regiuns ecclesiasticas	8
8. Palliative Care: project da colliaziun 2016-2018	9
III. Rapports colloquials	10
9. Tscherna dals delegads en il colloqui	10
10. Tscherna dals delegads colloquials en il Cussegl grond evangelic	11
11. Tschernas en il Cussegl grond evangelic	13
12. <i>Furmar</i> la raspada	15
13. Occurrenzas colloquialas	15
14. Instrucziun da religiun 2018/2019	16
15. Visitaziuns d'archiv	16
16. Moziuns, intimaziuns e propostas	16
IV. Diversas infurmaziuns	17
17. Resumaziun dals resultats dals colloquis da primavaira	17
18. Giubileums	18
19. Proceder tar la tscherna d'in(a) reverenda	19
20. Sessiuns dal Cussegl grond evangelic 2018/2019	19
21. Sesidas dal Cussegl da baselgia 2018/2019	19
22. Termins dals colloquis d'atun 2018	20

23. Termins dals colloquis da primavaira 2019	20
24. Spediziun dals protocols colloquials	20
Agiunta (adressas)	22

I. Consultaziun

1. Tractandas

I na dat naginas tractandas.

II. Communicaziuns ed enquistas dal Cussegl da baselgia

2. Tschertgà: lieus da praticum e da scolaziun

La scolaziun a temp cumplain al Seminari teologic-diaconic ad Aarau vegn cumplettada cun praticums. Il praticum ecclesiastic suenter il segund onn da scolaziun absolvan ils students e las studentas cumplettamain durant 18 emnas tranter fanadur/lügl e december en ina plaiv. Pudessas Vus s'imaginar d'offrir ina piazza da praticum a futurAs diaconAs socialAs en Vossa plaiv? Quels portan in vent frestg en Vossa plaiv. Durant il temp da praticum vegnan ils students resp. las studentas accompagnadAs d'inA expertA (p.ex. d'inA diaconA socialA cun ina qualificaziun supplementara sco scolader/scoladra). La Baselia evangelica reformada dal Grischun sustegna plaivs che offreschan in lieu da praticum per 18 emnas cun in import finanziel.

En pli offrescha il Seminari teologic-diaconic ina furmaziun integrada en diaconia sociala ed animaziun da la raspada. I stattan a disposiziun duas vias da furmaziun: u quatter onns a temp cumplain u complementarmain a la professiun.

Tar la furmaziun complementara a la professiun engascha ina plaiv futurAs diaconAs socialAs durant 3 – 4 onns a temp parzial per 40 % - 50 %.

Il Seminariologic-diaconic sco er il Cussegl da baselgia avessan fitg interess che er plaivs grischunas stettian a disposiziun sco lieus da furmaziun e da praticum per ils / las studentAs. Per annunzias ed infurmaziuns Als stat a disposiziun Johannes Kuoni dal post svilup da las plaivs / president dal Chapitel diaconal (adressa en l'aggiunta).

3. Novs duairs per fundaziuns ecclesiasticas

En connex cun ina nova regulaziun areguard la lavada da daners tschufs ed il cumbat cunter ils crims vegnan obligadas da nov er fundaziuns ecclesiasticas da s'inscriver en il register da commerzi. Fundaziuns ecclesiasticas existentas han temp enfin ils 31 da december 2020 da s'inscriver. Tut las fundaziuns ecclesiasticas che na sa laschan betg inscriver enfin questa data crodan davent tenor lescha ed han da vegnir liquidadas. La registraziun da las fundaziuns ecclesiasticas vegn a manar latiers ch'il register da commerzi, en vista a l'uffizi da surveglianza responsabel, vegn ad examinar che quai sa tracta efectivamain d'ina fundaziun ecclesiastica (q.v.d. ch'ella stat sut la surveglianza dal Cussegl da baselgia) u che quai sa tracta d'ina uscheditga fundaziun maschadada che suttastat lura a la surveglianza chantunala (statala). En quest connex vegn er examinà, sche l'organ da revisiun actual correspunda a las disposiziuns giuridicas. E finalmain vegn er examinà sche la contabilitad da la fundaziun ademplescha las pretaisas legalas.

Il Cussegl da baselgia vuless sustegnair las fundaziuns ecclesiasticas existentas tar la registraziun en il register da

commerzi e las adattaziuns necessarias. Per pudair far quai sto el dentant l'emprim savair, qualas fundaziuns ecclesiasticas ch'existan vairamain e ch'èn pertutgadas da la nova regulaziun federala.

Perquai supplitgescha il Cussegl da baselgia ils colloquis e las plaivs d'ina vart da render attent las fundaziuns ecclesiasticas enconuschentas als novs duairs ed al sustegn davart la baselgia chantunala, e d'otra vart d'orientar il Cussegl da baselgia fin la fin d'october 2018, qualas fundaziuns ecclesiasticas ch'els enconuschan en lur territori (sche pussibel cun adressa da contact).

4. Projects grischuns per la collecta d'avust 2019

La collecta d'avust vegn tradiziunalmain attribuida ad instituziuns en noss chantun. Ins sustegna iniziativas resp. obras ecclesiasticas u socialas en il Grischun. Il Cussegl da baselgia supplitgescha ils colloquis da far propostas, a quals projects che questa collecta pudess vegnir attribuida.

5. Project da Tschuncaisma 2019-2021

La collecta da Tschuncaisma 2019-2021 ha num "Mbara Ozioma" e va a favur d'umans en Umunumo en il sid da la Nigeria.

"Mbara" en la lingua dals Ibos vul dir: in lieu, nua ch'i capita insatge grond ed impurtant. "Ozioma" vul dir: in buna nova. Il project "Mbara Ozioma" deriva d'in 'iniziativa da la plaiv Cadi e vegn purtà da la fundaziun ecumenica "Türe auf – mo vinavon". Dapi 14 onns s'engaschan voluntaris en maniera collegiala per il svilup en il sid da Nigeria. Igl è lur finamira da

megliurar persistentamain las cundiziuns da viver da la populaziun d'Umunumo. Questa vischnanca rurala cun plirs vitgs ha ca. 50'000 abitants, da quai è la mesadad sut 18 onns. "Mbara Ozioma" è activa en differentas spartas. Ulteriuras infurmaziuns datti sin la pagina-web www.mbaraozioma.ch

Il project da Tschuncaisma dal Grischun metta l'accent mintg'onn sin in auter aspect da Mbara Ozioma:

- L'emprim onn focusescha il svilup da l'agricultura, nua che la cooperativa da dunnas d'Umunumo gioga ina rolla impurtanta.
- Il segund onn stat en il centrum la giuventetgna: Per ella vegn fabritgada ina scola professiunala ed i dat projects da lavur per e cun giuvenils.
- L'ultim onn dal project da Tschuncaisma metta en il centrum la tematica da spitex e da la tgira ed assistenza a chasa.

En pli datti mintgamai durant la stagiun sitga il favrer u il settember en la Nigeria la pussibilità da sa participar ad in viadi guidà per vegnir sez a conuscher ils umans ad Umunomo e per s'engaschar sez en ils projects da Mbara Ozioma. L'emprim termin da viadi pussibel è il cumenzament da favrer 2019. Ils custs per il viadi da 14 dis sa muntan a max. CHF 2500. Vus vegnis cuntinuadamain infurmads davart ulteriuras purschidas sco concerts da benefizi u occurrenzas d'infurmaziun. I vegn er mess a disposiziun material d'infurmaziun ed ins po a tut temp dumandar termins per preschentar il project cun dias u film. Ils responsabels da Mbara Ozioma stattan gugent a disposiziun per occurrenzas en Vossas plaivs! Adressa per infurmaziuns: Peter Kreiliger, Via Casut, 7130 Castrisch, 079 771 70 17, peter.kreiliger@gmail.com

6. Nominar predicaturAs laicAs

Il succeder cun nominar predicaturAs laicAs chaschuna da las giadas confusiuns e duai perquai vegnir preschentà qua curtamain. La basa legala chattain nus en las ordinaziuns davart la permissiun d'esser reverenda (910), art. 13, sco er insaquantas ulteriuras explicaziuns en il reglament 910A.

Sch'insatgi duai da nov vegnir nominà sco predicaturA laicA, porta la plaiv pertutgada questa candidatura en il colloqui. Suenter che la candidata u il candidat è sa preschentà cun in curs da la vita, decida il colloqui cun scrutin, sche la proposta duai vegnir rinviada al Cussegl da baselgia. En la publicaziun da primavaira vegnan ils colloquis infurmads davart questa pussibilità. Il Cussegl da baselgia decida mintgamai en sia sesida da fanadur/lügl davart las nominaziuns.

Ils / las predicaturAs laicAs rapportan mintg'onn davart lur lavur. Er quai è previs per il colloqui da primavaira. Ils rapports vegnan ensemen cun il protocol renviads a l'actuariat dal Cussegl da baselgia.

La permissiun da predicaturA laicA vala per quatter onns. Suenter po ella vegnir prolungada entras il Cussegl da baselgia. Quai capita er sin recumandaziun tras il colloqui che vegn dumandada via la publicaziun da primavaira.

7. Furmar Regiuns ecclesiasticas

Ils 10 da zercladur/gün 2018 han il votants acceptà cleramain la nova constituziun per la Baselia evangelica reformada dal Grischun. La nova constituziun vegn ad entrar en vigur ils 1. da schaner 2019. L'element impurtant da la nova constituziun è la collavuraziun regionala rinforzada en il rom da las novas Regiuns ecclesiasticas che remplazzan ils colloquis da fin qua.

La constituziun fixescha en art. 24 al. 1 che las plaivs sa reuneschan a Regiuns ecclesiasticas. Quellas èsi da furmar en maniera ch'ellas possian ademplir lur duairs adequatamain. Mintga plaiv ha d'appartegnair ad ina Regiun ecclesiastica. Il dretg da la baselgia chantunala na determinescha dentant betg, co che las Regiuns ecclesiasticas han da sa cumponer geograficamain e quals duairs ch'èn d'ademplir. Perquai che ina soluziun unitara per il chantun entir na para betg d'esser utila.

Per che las Regiuns ecclesiasticas possian vegnir furmadas a temp util, surdat l'art. 67 al. 1 da la constituziun l'incumbensa a las suprastanzas dals Colloquis, da suttametter als organs cumpetents ed a las plaivs enfin il pli tard ils 31 da december 2019 propostas co ch'ina Regiun ecclesiastica duai vegnir concepida. Quest' incumbensa duai vegnir cumenzada gia avant che la Constituziun entra en vigur. Latiers vegn quai ad esser adattà d'integrar las suprastanzas da las plaivs en maniera adequata. Al cumenzament dal 2019 vegn la baselgia chantunala ad organisar pliras occurrenzas d'infurmaziun per declerar las intenziuns da la constituziun e per sustegnair cun quai las suprastanzas colloquialas en lur incumbensa. Natiralmain stattan er ils posts da Furmar la raspada a disposiziun da gidar vinavant.

8. Palliative Care: project da colliaziun 2016-2018

Suenter ch'il Cussegl grond evangelic il november 2015 aveva decidì d'integrar Palliative Care en l'art. 22 da l'ordinaziun 210 davart la cumposiziun e la vita da la plaiv, è vegnì infurmà en la publicaziun 670 da la primavaira 2016 davart il project da colliaziun Palliative Care che va trais onns. Il project va a fin la fin dal 2018.

La finamira è l'integraziun dal persunal da pastoraziun en ils teams da tractament locals e regionals dal Palliative Care, e quai en il sectur ambulat sco er en il sectur staziunar en il mintgadi. Per quai metta la baselgia chantunala mintg'onn a disposiziun ina contribuziun finanziala als colloquis.

Colloquis che n'èn anc betg vegnids activs en quest senn, pon inoltrar in project anc fin la fin da november 2018. Tar dumondas stat a disposiziun rev. Susanna Meyer Kunz. Ella è vegnida incumbensada per quai dal Cussegl da baselgia.

III. Rapports colloquials

9. Tscherna dals delegads en il colloqui

Tenor art. 10, al. 3 da la constituziun tscherna la radunanza da plaiv ses delegads en il colloqui. L'incumbensa dals delegads da las plaivs è en emprima lingua da purtar la vusch da la plaiv e las decisiuns da la suprastanza da plaiv en il colloqui. En pli fan ils delegads valair ils giavischs dal colloqui en la suprastanza da plaiv. Els èn damai purtaders d'infurmaziun tranter la suprastanza da plaiv ed il colloqui. Or da quest motiv duessan las plaivs tscherner commembers da la suprastanza da plaiv sco delegads en il colloqui.

Las suprastanzas da plaiv èn responsablas per ina represchentanza correcta da la plaiv en il colloqui. Supplementarmain als delegads ordinaris po la suprastanza dal colloqui envidar giasts. Quels n'han betg il dretg da vuschar en il colloqui. Spaisas e onurars dals giasts van a quint da la chascha colloquiala.

Ils delegads da las plaivs vegnan elegids da la radunanza da plaiv. Tar plazzas vacantas tgiran las suprastanzas da plaiv per tschernas respectivas.

10. Tscherna dals delegads colloquials en il Cussegl grond evangelic

La perioda d'uffizi dal Cussegl grond evangelic va parallel a quella dal Cussegl grond dal chantun (constituziun art. 26). Ils 1. d'avust 2018 cumenza damai er per il Cussegl grond evangelic ina nova perioda d'uffizi da quatter onns. Il Cussegl da baselgia supplitgescha ils colloquis da confermar u da tscherner nov lur delegads en il Cussegl grond evangelic tenor la clav sequenta.

Ils colloquis han vinavant ils sequents sezs en il Cussegl grond evangelic:

I	Sur igl Uaul	8 delegadAs
II	Schons-Avers-Val Rain-Mesauc	3 delegadAs
III	Sut igl Uaul	5 delegadAs
IV	Cuira	8 delegadAs
V	Signuradi-Tschintg vitgs	8 delegadAs
VI	Scanvetg-Churwalden	4 delegadAs
VII	Engiadin'Ota-Bregaglia-Poschiavo-Surses	6 delegadAs
VIII	Engiadina Bassa-Val Müstair	5 delegadAs
IX	Partenz	8 delegadAs
X	Tavau-Alvra	5 delegadAs

Ils actuar e las actuaras dals colloquis vegnan supplitgads d'inoltrar **ina glista separada e cumpletta da tut ils delegads colloquials en il Cussegl grond evangeli**. Questa glista sto cuntegnair prenum, num, adressa, domicil, numer da telefon ed adressa d'e-mail.

Perquai che la datoteca da las adressas dal Cussegl grond evangelic sto mintgamai vegnir fatga nov suenter las elecziuns, sto il secretariat dal Cussegl da baselgia avair questas glistas immediatamain suenter las sesidas colloquialas, il pli gugent sco documents da WORD per e-mail a ursina.hardegger@gr-ref.ch. I fa prescha, perquai ch'ils elegids vegnan gia la mesadad d'october envidads a la proxima sessiun dal Cussegl grond evangelic. Nus engraziain cordialmain a las actuaras ed als actuars per lur sustegn.

Il Cussegl da baselgia renda attent ils colloquis ch'ils delegads en il Cussegl grond evangelic sa laschan tscherner per ina perioda d'uffizi da quatter onns. Durant il temp d'uffizi na duess il mandat betg vegnir dà enavos al colloqui or da motivs casuals, mabain be pervi da partenza or da l'intschess colloquial, malsogna u auters motivs gravants.

En da quels cas sto il colloqui far ina elecziun substitutiva, perquai ch'i na dà nagin remplazzament tenor il regulativ da gestiun dal Cussegl grond evangelic. Tar elecziuns substitutivas èsi da communitgar al Cussegl da baselgia ensemen cun il protocol er nums ed adressas dals nov elegids.

11. Tschernas en il Cussegl grond evangelic

Il Cussegl grond evangelic ha en sia sessiun dals 14 da november 2018 da far tschernas sequentas:

- direcziun (president/-a, 1. e 2. vicepresident/ -a, duas dumbravuschs)
- actuar/-a e remplazzant/-a
- cumissiun da gestiun (tschintg commembers)
- cumissiun da redacziun (trais commembers)
- cumissiun da recurs (tschintg commembers; dus da quels vegnan elegids da la Sinoda)

La perioda d'uffizi dal Cussegl grond evangelic va tenor la constituziun art. 26 parallel a quella da Cussegl grond dal Chantun. La perioda d'uffizi 2018/2022 cumenza ils 1. d'avust. Perquai èsi da tscherner nov tut ils organs e cumissiuns permanentas en la sessiun d'atun 2018.

La glista sequenta mussa, tgi ch'è stà en quala funcziun enfin ussa. Tut las persunas inditgadas cun "fin qua" èn reelegiblas sut la resalva ch'ellas na demissiuneschan betg suenter che questa publicaziun è ida en stampa u ch'ellas sortan pervia da limitaziun d'uffizi.

Cun il protocol pon ils colloquis inoltrar propostas per l'elecziun. En vista a la sessiun dals 14 da november 2018 vegen la direcziun dal Cussegl grond evangelic a metter en urden ed a cumplettrar las propostas d'elecziun. Ella prenda encunter er demissiuns. Las propostas èsi d'inoltrar saja cun il protocol colloquial u directamain al secretariat dal Cussegl da baselgia (adressa en l'agiunta) **enfin pli tard ils 30 da settember.**

La direcziun dal Cussegl grond evangelic vegn ad elavurar las propostas d'elecziun definitivs l'october, perquai che pir lura èsi enconuscent la cumposiziun dal Cussegl.

Direcziun dal Cussegl grond evangelic 2018/2022

president	Franz Rüegg, Arosa (fin qua 2. vicepresidente)
1. vicepresidente/-a	GRn Martha Widmer-Spreiter, Chur (fin qua dumbravuschs)
2. vicepresidente/-a	vacant
dumbravuschs	vacant
dumbravuschs	vacant

Igl è giavischabel ch'en la direcziun vegnan proponids represchentants dal Cussegl grond, da la Sinoda, dals colloquis, umens e dunnas da lingua tudestga, rumantscha u taliana.

Actuar e remplazzanta

actuar	rev. Peter Wydler, Chur (fin qua)
remplazzanta	rev. Ursina Hardegger, St. Antönien (fin qua)

Cumissiun da gestiun 2018/2022 (5 commembers)

commembers	rev. Stephan Bösiger, Sta. Maria (fin qua)
	Robert Heinz, Avers (fin qua)
	rev. Ursula Müller-Weigl, Arosa (fin qua)
	Dus sezs èn vacants.

Cumissiun da redacziun 2018/2022 (3 commembers)

presidenta	Annemarie Wirth, Zizers (fin qua)
commembers	rev. Elisabeth Anderfuhren, Fideris (fin qua)
	GRn Erika Cahenzli, Untervaz (fin qua)

Cumissiuun da recurs 2018/2022

(5 commembers, da quels vegnan 2 elegids da la Sinoda)

president Dr. Andrea Brüesch, Trin (fin qua)

commembers Lic. iur. Thomas Hess, Fürstenaubruck
(fin qua)

Dr. Peter Andri Vital, Zuoz (fin qua)

12. *Furmar la raspada*

Questa tractanda serva al barat d'ideas davart projects da *Furmar* la raspada planisads u gia realisads en las corporaziuns dal colloqui, per far enconuschent quels sur las corporaziuns ora.

13. Occurrenzas colloquialas

Il Cussegl da baselgia spetga il rapport davart las occurrenzas colloquialas dapi il colloqui d'atun 2017 sco conferenzas pastoralas, retratgas, occurrenzas a favur da la scolaziun da perfecziunament, festas circuitalas ed uschia vinavant. En la proxima publicaziun da primavaira vegnan questas indicaziuns publitgadas.

Il Cussegl da baselgia supplitgescha ils colloquis, da numnartar las conferenzas pastoralas er las tematicas. Be ina glista dals termins na fa betg senn. Ils rapports servan ad auters colloquis sco bursa d'ideas. Perquai gidan indicaziuns precisas davart referents e tematicas tractadas.

14. Instrucziun da religiun 2018/2019

Il Cussegl da baselgia dumonda er per quest onn da scola las datas per l'instrucziun da religiun entras il post da l'instrucziun da religiun.

Tar problems areguard l'instrucziun da religiun en quest onn da scola pon las plaivs sa volver directamain a la manadra dal post da l'instrucziun da religiun (adressa en l'aggiunta).

15. Visitaziuns d'archiv

Tar mintga midada en la pravenda èsi da far ina visitaziun d'archiv extraordinaria da la part da la pravenda da l'archiv. Quella vegn fatga d'in commember da la cumissiun d'archivs da la baselgia chantunala.

Il Cussegl da baselgia supplitgescha las suprastanzas dals colloquis d'esser attentas ch'il president da la cumissiun d'archivs, rev. Peter Wydler, vegnia infurmà, avant che in u ina reverenda u provisor(a) fa midada (adressa en l'aggiunta). Tenor reglament 821 vegn quella visitaziun pajada da la corporaziun.

16. Moziuns, intimaziuns e propostas

Il colloqui po tenor art. 21 cif. 3 da la costituziun da la Baselia evangelica reformada dal Grischun surdar moziuns, intimaziuns e propostas al Cussegl da baselgia. Singuls colloquials na pon inoltrar naginas moziuns, intimaziuns e propostas. Quai po be capitar tras il colloqui.

I sto esser evident, sch'i sa tracta d'ina *moziun*, d'ina *intimaziun* u d'ina *proposta*:

- Sch'ina *moziun* vegn acceptada ha quai per consequenza la midada d'ina lescha.
- Ina *proposta* è in'idea concreta ed elavurada. Ella formulescha finamiras e mesiras pussiblas.
- Ina *intimaziun* è in'idea, tge che pudess vegnir fatg en in tschert sectur.

Tar tut las moziuns, intimaziuns u propostas d'in colloqui sto vegnir nudà il resultat precis da las votaziuns.

Sch'il Cussegl da baselgia accepta *moziuns*, vegnan quellas suttamessas als colloquis ed a la sinoda per la consultaziun. Suenter vegnan questas tractadas definitivamain dal Cussegl grond evangelic. Moziuns acceptadas han per consequenza ina midada da la lescha. Sch'il Cussegl da baselgia refusa moziuns, motivescha el quai en il rapport uffizial.

Sch'il Cussegl da baselgia accepta *intimaziuns* e *propostas*, ha el la pussibilità da vegnir sez activ en il senn da quellas. Sch'il Cussegl da baselgia refusa intimaziuns e propostas, motivescha el quai en il rapport uffizial.

IV. Diversas infurmaziuns

17. Resumaziun dals resultats dals colloquis da primavaira

Per infurmar tut ils colloquials vegn preschentà qua ina resumaziun da las discussiuns e da las decisiuns concernent las tractandas sco da las moziuns, intimaziuns e propostas a maun dal Cussegl da baselgia dals colloquis da primavaira.

Il colloqui VI ha suttemess al Cussegl da baselgia la sequenta proposta:

Concernent il rapport da 10 onns per la sinoda 2017 duai il Cussegl da baselgia elavurar disposiziuns executivas davart la "Pratica da casualias oz e damaun en la Baselgia evangelica refurmada dal Grischun". Latiers èsi da consultar las 57 tesas generalas.

Il Cussegl da baselgia po responder ch'el saja gia entrà sin la proposta dal colloqui VI. La tematica da la dieta sinodala dal 2019 vegn ad esser la Commembranza. Quai è in emprim pass per elavurar ina soluziun adequata per las dumondas differentas tar las casualias.

18. Giubileums

Las suprastanzas dals colloquis ed ils consistoris pon communitgar en il protocol colloquial giubileums da servetsch (20, 25 u 30 onns da servetsch) d'impiegadas ecclesiasticas e da collavuraturas voluntaras.

Questas communicaziuns pon vegnir agiuntas al protocol u er vegnir communitgadas separadamain ed en scrit al actuar dal Cussegl da baselgia: Peter Wydler (adressa en l'aggiunta). Giubilars e giubilaras survegnan sper la renconuschienscha da la plaiv u dal colloqui ina charta d'engraziament dal Cussegl da baselgia. Tgi che ha lavurà dapli che 20 onns per ina plaiv e sa retira ussa, po er vegnir communitgà. El/la survegn in document. Igl è indispensabel, che las communicaziuns cuntagnian ils nums entirs e l'adressa precisa. Plinavant sto vegnir inditgada la funcziun ed ils onns precis dal servetsch.

19. Proceder tar la tscherna d'in(a) reverenda

Sin la homepage www.gr-ref.ch/downloads da la baselgia chantunala chattan ins in feagl d'infurmaziun davart il proceder recumandà tar la tscherna d'in(a) nov(a) reverenda (sut „Pfarrpersonensuche, Checkliste“).

20. Sessiuns dal Cussegl grond evangelic 2018/2019

mesemna, 14.11.2018 (di entir), sala dal Cussegl grond
mesemna, 05.06.2019 (suentermesdi), Comander
mesemna, 13.11.2019 (di entir), sala dal Cussegl grond

21. Sesidas dal Cussegl da baselgia 2018/2019

Il Cussegl da baselgia fa mintga mais ina sesida. Giavischs al Cussegl da baselgia duain vegnir communitgads a l'administraziun almain trais emnas avant il termin correspondent.

Termins da las sesidas 2018: 23 d'avust, 20 da settember, 18 d'october, 22 da november, 13 da december.

Termins da las sesidas 2019: 17 da schaner, 21 da favrer, 14 da mars, 11 d'avrigl, 16 da matg, 6 da zercladur, 4 da fanadur, 22 d'avust, 19 da settember, 24 d'october, 21 da november, 12 da december.

22. Termins dals colloquis d'atun 2018

Colloqui I	Sur igl Uaul	22 da sett.
Colloqui II	Schons-Avers-ValRain-Mesauc	19 da sett.
Colloqui III	Sut igl Uaul	26 da sett.
Colloqui IV	Cuira	13 da sett.
Colloqui V	Signuradi-Tschintg vitgs	12 da sett.
Colloqui VI	Scanvetg - Churwalden	11 da sett.
Colloqui VII	Engiadin'Ota - Bregaglia – Poschiavo - Surses	12 da sett.
Colloqui VIII	Engiadina Bassa - Val Müstair	19 da sett.
Colloqui IX	Partenz	26 da sett.
Colloqui X	Tavau - Alvra	12 da sett.

23. Termins dals colloquis da primavaira 2019

Nus supplitgain ils actuars e las actuaras d'inditgar en il protocol ils termins dals colloquis da primavaira dal proxim onn.

24. Spediziun dals protocols colloquials

La tschentada dal Cussegl da baselgia, nua ch'ils protocols dals colloquis vegnan evaluads, ha lieu en october. Las actas respectivas vegnan tramessas en settember.

Nus essan cuntents sche Vus tramettais pli svelts pussibel ils protocols en furma electronica (sche pussibel sco datoteca WORD, betg scannà!) a la viceactuara dal Cussegl da baselgia, **Ursina Hardegger** (adressa en l'aggiunta), per che l'evaluaziun possa vegnir fatga.

Ils protocols sin palpieri incl. aggiuntas èsi da sutscriver e da trametter enfin ils 30 da settember er a la viceactuara dal Cussegl da baselgia.

Preavis: Ils protocols dals colloquis da primavaira 2019 èsi d'inoltrar enfin ils 15 d'avrigl.

Cuira, fanadur 2018

Cussegl da baselgia



Andreas Thöny
president



Peter Wydler
actuar

Agiunta (adressas)

actuar dal Cussegl da baselgia

Pfr. Peter Wydler
Loëstrasse 60
7000 Chur
081 257 11 00
kirchenratsaktuar@gr-ref.ch

viceactuara dal Cussegl da baselgia

Pfrn. Ursina Hardegger
Loëstrasse 60
7000 Chur
081 257 11 00
ursina.hardegger@gr-ref.ch

post d'instrucziun da religiun

Pfrn. Ursula Schubert
Loëstrasse 60
7000 Chur
081 252 62 39
ursula.schubert@gr-ref.ch

post svilup da las plaivs, chapitel diaconal

Johannes Kuoni
Loëstrasse 60
7000 Chur
081 257 11 85
johannes.kuoni@gr-ref.ch

homepage da la baselgia chantunala

www.gr-ref.ch
Infurmaziuns ed agid guarda „Downloads“.